



**EMBARGO:** Tidak boleh dicetak atau disiarkan di mana-mana platform media sosial sebelum jam 2 petang, Jumaat 29 Disember 2023.

Untuk Terbitan Media

29 Disember 2023

## **SIARAN MEDIA**

### **PEKERJA KILANG MAUT: BALU SARAT MENGANDUNG TERIMA 2 FAEDAH**

**PERKESO**

**ALERT: ISTERI ARWAH TERIMA MANFAAT SEPANJANG HAYAT**

**KUALA LUMPUR:** Balu kepada pekerja kilang yang maut dalam insiden di tempat kerja, di Banting, Selangor, kelmarin layak menerima faedah Pertubuhan Keselamatan Sosial (PERKESO).

Penelitian PERKESO terhadap kes kemalangan menyayat hati menimpa Nur Ahmad Yusoff Muei, mendapati pemuda berusia 22 tahun itu melapor diri sebagai pekerja sepenuh masa di sebuah kilang plastik pada 12 Disember lalu.

Bagaimanapun, Nur Ahmad Yusoff yang mempunyai rekod caruman dan dilindungi menerusi Akta Keselamatan Sosial Pekerja 1969 (Akta 4), dilaporkan terjatuh dari ketinggian lebih 24 meter ketika melaksanakan kerja pembersihan.

“Sehubungan itu, balu arwah yang sedang sarat mengandung tujuh bulan layak menerima Faedah Orang Tanggungan (FOT) dan Faedah Pengurusan Mayat (FPM) daripada PERKESO.

“Bayaran berkala FOT ini akan diberikan kepada isteri arwah untuk sepanjang hayatnya, manakala bayi dalam kandungan pula layak menerima manfaat sama selepas dilahirkan dan sehingga mencapai usia 21 tahun atau sehingga tamat pengajian ijazah pertama.

“PERKESO menzahirkan ucapan takziah kepada keluarga arwah dan semoga

faedah ini berupaya membantu kelangsungan hidup mereka," menurut PERKESO menerusi kenyataan, hari ini.

Tamat

###

**Mengenai PERKESO**

PERKESO, agensi Kerajaan yang menyediakan perlindungan sosial kepada pekerja swasta, Badan Berkanun/Kerajaan, bekerja sendiri dan suri rumah serta tanggungannya daripada keadaan luar jangka. Ia merangkumi kemalangan, hilang upaya, penyakit, kematian dan kehilangan pekerjaan. Perlindungan ini berkONSEPkan insurans sosial dengan prinsip 'Prihatin' dan '*leaves no one behind*'. PERKESO beroperasi di 54 Pejabat, 5 Pusat Rehabilitasi dan 293 MyFutureJob One Stop Center di Malaysia. Layari [www.perkeso.gov.my](http://www.perkeso.gov.my) atau hubungi Pusat Khidmat Pelanggan 1300 22 8000.

**Dikeluarkan oleh:**

**Bahagian Komunikasi dan Hal Ehwal Korporat**

**29 Disember 2023**

**Untuk pertanyaan media, sila hubungi:**

**Mohd Wazid Zaidon**

**+6017-619 3181**

**[wazid.zaidon@perkeso.gov.my](mailto:wazid.zaidon@perkeso.gov.my)**